

IMAQARNILIAQ IIIA - Isumaginninnermut Inunnullu Innarluutilinnut Ataatsimiititaq 17-01-2023

Ulloq ataatsimiiffissaq Tirsdag 17. januar 2023 kl. 18:00

Ataatsimiiffissaq Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ingerlatsinermik nakkutilliisarneq pillugu ilisimatitsissut.....	7
Suliat Isumaginninnermut, Suliffeqarnermut Inuussutissarsiornermullu Ingerlatsivimmut attuumass	11
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	15
Inuit innarluutillit pillugit Siunnersuisooqatigiit ataatsimiittarnerinik ataavartumik ilisimatitsinerit..	19
Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit.....	21
Piffissami 2022-mi kvartaalit sisamaanni pissaanermik atuisimaneq pillugu nalunaarutininik ilisimati	23
Oqartussaaffeqarfiup angusai sullissinermilu anguniagai - 4 kvartali 2022.....	26
Oqartussaqaarfimmi isumaginnittoqarfimmi inissianut innersuussisarneq pillugu ilisimatitsineq 2022	29
Utoqqarnut, biiliutsittarnissamut innersuunneqarsimasunut sammisassaqaartitsiviliaassinermi akeqar	32
Inuit innarluutillit pillugit immikkoortumut pilersaarutip killiffia (2022).....	35
Suliffeqarnermut immikkoortumut pilersaarummi immikkoortunik pingaarnersiuneq.....	39
Taasariaqartut allat.....	42
Imaqarniliap akuerineqarnera.....	43

IMMIKKOORTOQ .: Saqqaa

Ilaasortat:

Inge Olsvig Brandt (IA), Siulittaasoq
Lone Rosengreen Pedersen (IA), Siulittaasup tullia
Harald Bianco (IA)
Poul Petersen (D)
Mala Høy Kúko (S)

Beslutning

Peqataasut:

Lone Rosengreen Pedersen (IA)

Poul Petersen (D)

Oqarasuaatikkut:

Inge Olsvig Brandt (IA)

Harald Bianco (IA)

Mala Høy Kukó (S)

IMMIKKOORTOQ .: Oqaluuserisassat akuerineqarneri

Beslutning

Oqaluuserisassaq imm. 10 aamma 11 siulliullugit suliarineqassapput.

Oqaluuserisassat akuersissutigineqarpoq.

IMMIKKOORTOQ .: Nalunaarutit

Beslutning

Ingerlatsivimmiit nalunaarutit:

Inunnut innarluutilinnut aamma Tarnimikkut nappaatilinnut Immikkoortortaarfik

1. Aqutsisuni ullut ataatsimoorfiusut

Sapaatip akunnerani 3-mi Inunnut innarluutilinnut aamma Tarnimikkut nappaatilinnut immikkoortortami sulisut aqutsisullu ulloqartinneqassapput ataatsimoorfiusunik. Ulloq unnuarlu neqeroorummiikkatta aqutsisutsinnut sulisut tamaasa ataatsikkut ataatsimootinnissaat ajornakusoortarpoq. Taamaattumik massakut aaqqissuussivugut, aqutsisutsialagut fagchefilu sapaatip akunnerani 3-mi najugaqatigiiffinniittarnissaat pillugu, taamaalilluni najugaqatigiiffiit ataasiakkaat sulisutik aqutsisullu "ullormi ataatsimoorfiusumi" katersortassavaat. Ullormi ataatsimoorfiusumi pilersaarutaapput ataatsimoorneq, suleqatigiittut sungiusaatit aamma aqutsisunit 2022-mi iluatsittunik unammillernartunillu takuneqarsimasut pillugit saqqummiinerit, kiisalu immikkoortumi suleqatigiit 2023-mi suut anguniagarineraat.

2. Juullimi aaqqissuussinerit

Inunnut innarluutilinnut Tarnimikkullu nappaatilinnut Immikkoortortaarfik Nuummi, Tasiilami Paamiunilu juullimi aaqqissuussipput. Nuummi innuttaasut najugaqatigiiffiillu assigiinngitsut ataatsimootinneqarput, tassanilu nuannerluinnartumik juullerpaluttumik bingortitsisoqarpoq. Tasiilami innuttaasut suliasaqarfitsinniittut juullerpaluttunik mamartutortinneqarput nuannersumillu ualikillisaartinneqarlutik. Tamakku pineranni Paamiuni suliasaqarfimmi aqutsisunit innuttaasut 80-it missaanniittut katersuutsinneqarput, taakkununga suliasaqarfitsinneersut ilaallutik, orpiup eqqaani juullisiutinik tussiartoqarpoq assigiinngitsunillu pisoqarluni. Decembarip ingerlanerani arlalinnik annikinnerusumik aaqqissuussisoqarpoq aqutsisullu arlallit suliasaqarfimminni juulliaqqami pulaarput. Najugaqatigiiffik Seernami juullimi aaqqissuussisoqarpoq, tassani sulisut aqutsisullu ilaqqatit ilagalugit najugaqartunik akunnialunni nuannisaqatigiipput.

Utoqqarnik suliasaqarfik

3. Ippiarsummi katersuineq

Ippiarsuk nutaanik iikkani qalipakkanik assiliaatitaarpoq, sofataarlunilu saniatigut igaffimmi atortunik pisaarpoq, tamanna pivog Nuummi innuttaasut firmallu tunissuteqarnerisigut. Katersuiniarneq Ippiarsummi tullersortaagallartumit Erla Vintherimit aaqqissuunneqarpoq, taanna najugaqartut ulluinnarni allanik ilorrisimaaruteqarnissaannik isumaginnikkusussimavoq. Pisoq innuttaasunut tuniusimatuunut utoqqaallu illuanni najugaqartunut kaffillernertalimmik nalliussineqarpoq. Suliffeqarnermut Isumaginninnermullu Ataatsimiititami siulittaasoq, Inge Olsvig Brandt, aaqqissuussinermit peqataavoq oqalugiartunilu.

4. Kommuneqarfik Sermersuumi sulisoq immaq utoqqaanersaq

Decembarimi utoqqaat illuanni sulisoq Magdaline Martinsen 80-inik ukioqalerpoq, taassumalu utoqqaat illuanni suleqataasa tupaallatsillugu kaffiliutigivaat. Magdaline 65-iliigami soraarninngoraluarpoq, immaq qaammataannigtorluunniit utoqqaat illuannut qinnuteqaqqippoq. Uninggaannarsinnaanngilluinnarpoq. Suli sulivoq soraarninngooqqinnissaminillu pilersaaruteqanngikkallarpoq. Kommunalbestyrelsimi ilaasortaq Lone Pedersen Rosengreen Suliffeqarnermut Isumaginninnermullu Ataatsimiititaq sinnerlugu peqataavoq, tassani tunissuteqarlunilu naasunik tunniussaqqarpoq kiisalu oqalugiartugalugu.

Suliffeqarnermut tunngasut

5. Tasiilami Majoriami ukiuni arlalinni pisortaasoq, Eli Abelsen, sivisuumik napparsimareerluni toqkukut qimaguppoq.

Eli Tasiilami ilinniartitaanermut suliassaqarfimmi ukiuni 30-ni atorfeqarsimavoq. Siullermik Kalaallit Nunaanni Namminersornerullutik Oqartussani STI-mi atorfeqarpoq, ukiunilu kingullerni 17-it ingerlanerini Ammassallip Kommunerisimasaani kingornalu Kommuneqarfik Sermersuumi Piareersarfimmi / Majoriami atorfeqarluni. Eliup kajumissuseqarnerujussua inussiarnersuunerujussualu qaninnertut suleqatigisimasaanit, innuttaasunit suleqatigisarsimasaanillu maqaasineqangaassaaq piffissamilu sivisuumi initungaassalluni. 63-inik ukioqalerpoq. Kommune Elip ilaqutaanut, ikinngutaanut suleqataanullu misiginneqatiginninnerminik apuussaqqarpoq.

IMMIKKOORTOQ 1: Ingerlatsinermik nakkutilliisarneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Nakkutilliinermut nalunaarusiat arfineq-pingasut pillugit suliassanik eqikkarneri ataatsimut



Ingerlatsinermik nakkutilliisarneq pillugu ilisimatitsissut

Piffissami 2022-mi februaarimiit juunimut

Ilisimatitsissut

SagsID.: EMN-2022-08731

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq malillugu kommunimi najugaqarfinni nakkutigineqartuni, najugaqatigiiffinni, utoqqaat illuini aamma utoqqaat najugaqatigiiffini, Isumaginninnermi suliassaqarfimmi nakkutilliisarneq pillugu Kommuneqarfik Sermersuumit ukiumut ingerlatsinermik nakkutilliineq ingerlanneqartarpoq.

Nakkutilliinerni siunertarineqartarpoq suliffeqarfiup pitsaassusiata erseqqissarneqarnissaa nalilersorneqarnissaalu suliassat pitsaassusaat arlallit tunngavigalugit, taakkununga ilanngullugit najugallit sammisartagaat, aaqqissuussaananerit aqutsisullu kiisalu najugaqatigiiffimmi neqeroorutit/paaqqinniffiup initaat. Pitsaassutsimut tunngasut Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersumi aalajangersarneqarput. Tamakkua saniatigut nakkutilliinerni ajornartorsiutaasut paasinianeqartarput ingerlariaqqinnissamullu pitsanngorsaatissatut periarfissanik aqutissiuussisoqartarluni. Taamaaliornikkut kommunip innuttaasunut sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Piffissami 2022-mi februaarimiit juunip qiteqqunneranut utoqqarnut inunnullu innarluutilinnut suliassaqarfimmi nakkutilliinermut suliarineqartunit nalunaarusiat arfineq-pingasut matumani nassuiaatigineqarput. Ilanngussaq 1-imiipput nakkutilliinermut tunngatillugu suliap eqikkarnerisa ataatsimoortinneri, tassanilu nakkutilliinermut nalunaarusiani pingaarnertut inerniliinerit innersuussutillu katiterneqarneri.

Ingerlatsinermut tunngatillugu nakkutilliinerit pillugit ataatsimiititamut ataavartumik ilisimatitsissutigineqartalissapput. Taamaaliornikkut ilisimatitsissutit akulikitsuusarnissaat aamma suliarineqartarnerinut sanilliullugit nutaatut tunniunneqartarnissaat qulakkeerneqassaaq. Ingerlatsinermi nakkutilliinermut tunngasumik tulliani ataatsimiititamut ilisimatitsissuteqartoqassaaq februaarimi ataatsimiititaq ataatsimiilerpat.

Tullinguuttuni Utoqqarnik suliassaqarfimmi aamma Inunnut innarluutilinnut aamma Tarnimikkut nappaatillinnut immikkoortortaqarfimmi nakkutilliinerni nalinginnaasumik uteqqaatut inerniliinerillu erseqqissaatigineqarput.

Utoqqarnik suliassaqarfik

- Utoqqarnik suliassaqarfik, pingaartumik Nuummi, arlalitsigut ajornartorsiuteqarfiusarpoq, utoqqarnik suliassaqarfik pillugu killiffik 2022-mi decembarip ulluisa arfernanni ataatsimiititamut ilisimatitsissutaasoq innersuussutigalugu.
- Atorfinititsiniarneq ajornakusoorpoq nalinginnaasumillu sulisut ilinniarsimanngitsut amerlapput. Sulisut nikerarnerisa kingunerisaannik peqqissutsimut tunngasunut



perorsaanermilu suleriutsinut ilisimasat killeqartarput, taamaammat sulinermi pitsaassuseq sunnerneqartarpoq.

- Utoqqaat illuanni napparsimasarneq 25 %-imik appariarnikuuvoq.
- Peqqissutsikkut naliliinerit suliarineqarneri tamaat isigalugit siuariarfiupput.
- Najugaqartunut paasissutissanik digitalinngorsaaneq, nalilersuinerit aamma ulluinnarni nalunaarsuilluni allattuinerit eqqarsaatigalugit ltoqqortoormiini Utoqqarnut najugaqatigiiffik siuarsimanerujussuuvoq.
- Ulluinnarni allattuisarneq najugaqartunullu paasissutissanik digitalinngorsaaneq suli tamakkiisumik atuutilersinneqanngilaq. Tasiilami utoqqaat illuanni ulluinnarni allattuisarneq 2021-mili nakkutilliinermiit maannamut pitsanngoriarsimavoq.
- Ippiarsummi nakorsaatinik isumaginninneq 2021-mili nakkutilliinermiit pitsanngoriarsimavoq najugaqartullu tamaasa inuunerisa oqaluttuassartai suliarineqarsimallutik.

Nakkutilliisup oqaaseqaatai innersuussutaalu tunngavigalugit utoqqarnik paaqqinniffinni utoqqarnullu najugaqatigiiffinni Utoqqarnik suliassaqaarfimmi Fagcheffi suleqatigalugu suliniutinik aallartitsinikuupput. Najugaqartunik nalilersuinerup atuutilersinnissaanut pilersaarusiorneq aamma ilaatigut puiguttorneq aaqqiagiinnginnermilu isumaginninneq il. il. pillugit sulisunik ilinniartitsineq annerpaamik ukkatarineqarput. Sulisut najugaqartullu atugaat pitsanngorsarumallugit aqutsisut atorfiit inuttaqanngitsut inuttalerneqarnissaat malitseqarnissaallu sulissutigineqarput.

Inunnut innarluutilinnut aamma Tarnimikkut nappaatilinnut Immikkoortortaqarfik

- 2022-p aallartinnerani aqutsisut sulisullu taarseraatingaatsiarput, tamatumalu kingunerisaanik aqutsisut sulisullu najugaqatigiiffimmi sulinerat ima sivikitsigisarlungi allaat ileqqussanik periusissanillu ataavartuutitsinnaanatik. Taamaalilluni aqutsisoq nutaaq atorfinitsillugu malinnaaniarluni pigaartoqarnissaanullu pilersaarusiornissamut assigisaannillu suliaqarniartilluni aalajaatsuunnginnermik kinguneqartarpoq.
- Najugaqatigiiffinni sisamaasuni tamaat isigalugu napparsimakulasooqarpoq sulinngitsuukulasooqarluni. Najugaqatigiiffik Qinnngutsinni 2021-mili nakkutilliinermiit napparsimasarneq appariartorsimavoq sulinngitsoortarnenullu atatillugu isumassuilluni oqaloqatiginninnerit sukkasuumik isumagineqartalersimallutik.
- Digitalinngorsaaneq aamma GetOrganized-ip ulluinnarni atuutilersinniarnera piffissami sivisuumi aallartinniarnearput. Tasiilami najugaqatigiiffinni sulisut atugassaannik qarasaasialersuisooqarpoq.
- Najugaqartut qanoq sullinneqassasut pillugit perorsaanikkut tunaartassamik kiisalu killiffimmik nalunaarusiortoqartuarnissaa najugaqartullu ataasiakkaat anguniagaasa malitseqartinneqarnissaat amigaatigineqarput.
- Attaveqaataasutut inissisimasooq immikkoortortani tamani tamakkiisumik atuutilersinneqanngilaq.
- Sulisut ilinniarsimanngitsut qulingiluat tapersersortitut ilinniagaqarlutik aallartipput.
- Nakkutilliisooqarnerata kingorna najugaqartut tamaasa pillugit ileqqoreqqusalioortoqarpoq.

Nakkutilliisup oqaaseqaatai innersuussutaalu tunngavigalugit najugaqatigiiffinni Inunnut innarluutilinnut aamma Tarnimikkut nappaatilinnut Immikkoortortaqarfimmi Fagcheffi suleqatigalugu suliniutinik aallartitsinikuupput. Aqutsisut sulisullu sulianut tunngatillugu annertusaanissaaq ilaatigut ilinniartitaaneq pikkorissarnerillu, attaveqaatinik pilersitsineq, sulinermi ulluinnarni allattuineq kiisalu GetOrganized-ip il. il. atuutilersinneqarneri aqutugalugit annerpaamik ukkatarineqarput.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-meersoq

Ilannussat

1. Nakkutilliinermut nalunaarusiat arfineq-pingasut pillugit suliassanik eqikkarneri ataatsimut
2. Ippiarsummi nakkutilliinermut nalunaarusiaq 2022
3. Utoqqaat Illuani nakkutilliinermut nalunaarusiaq 2022
4. Tasiilami Utoqqarnik paaqqinniffimmi nakkutilliinermut nalunaarusiaq 2022
5. Ittoqqortoormiini utoqqaat najugaqatigiiffianni nakkutilliinermut nalunaarusiaq 2022
6. Seernaq 4-mi nakkutilliinermut nalunaarusiaq 2022
7. Kangillinnguit 4-mi nakkutilliinermut nalunaarusiaq 2022
8. Najugaqatigiiffik Qinngorput nakkutilliinermut nalunaarusiaq 2022
9. Tasiilami Najugaqatigiiffinnik nakkutilliinermut nalunaarusiaq 2022

IMMIKKOORTOQ 2: Suliat Isumaginninnermut, Suliffeqarnermut Inuussutissarsiornermullu Ingerlatsivimmut attuumassuteqartut Isumaginninnermi Naammagittaalliuuteqartarfimmeersut

Beslutning

Ilisimatitsissut tusaatissatut tiguneqarpoq.

Suliat Isumaginninnermut, Suliffeqarnermut Inuussutissarsiornermullu Ingerlatsivimmu attuumassuteqartut Isumaginninnermi Naammagittaalliuuteqartarfimmeersut

4. kvartali 2022

Ilisimatitsissut

SagsID.: EMN-2022-09653

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

4. kvartali 2022-imi Isumaginninnermut, Suliffeqarnermut Inuussutissarsiuuteqarnermullu Ingerlatsivik Isumaginninnermi Maalaaruteqartarfimmit aalajangiinernik 17-nik tigusaqarpoq.

Piffissami tamatumani innuttaasut ima amerlatigisut pisortanit ikiorsiissutinik pisartagaqarsimapput:

Ikiorsiissut	Ikiutinik pisartagallit amerlassusaat
Ernereermermi ullormusiat	103
Ineqarnermut akiliummut tapiissutit	1382
Siusinaartumik pensionisiallit	934
Utoqqalinersiat	1.219
Pisortat ikiorsiissutaat ineqarnermut akiligassat ilanngullugit	889
Suliffeqanngikkallarnermi ikiorsiissutit	102
Katillugit	4.629

Paasissutissat AX-miit ulloq 12. septembari 2022 aaneqarput.

Suliat Isumaginninnermik Naammagittaalliuuteqartarfimmeersut ima agguataarsimapput (KS = Kommuneqarfik Sermersooq):

Suliap suussusaa	Kommune ilalerneq arpoq	KS-ip aalajangiinera atorunnaarsinneqarpoq/allanngortinneqarpoq innuttaasoq ilalerneqanngikkaluartooq	Atorunnaarsinn eqarpoq	Utertinneqartut	Innuttaasoq ilalerneq arpoq
Erninnermi sulinnigiffeq arnerit					
Ineqarnermut akiliummut tapiissutit	5				
Siusinaartumik pensionisiallit			1	3	




Utoqqalinersiat				
Pisortanit ikiorsiissutit	1		1	3
Suliffissaale qisunik ikiorsiineq	1		1	
Allat	1			
Tamakkerlugit	8		3	6

Takussutissami takuneqarsinnaasutut, Isumaginninnikkut maalaartarfimmit Isumaginninnermut Suliffeqarnermut Isumaginninnermullu Ingerlatsivik suliani 8-ini ilalersimavaat; suliani 6-ini utertinneqarput suliareqqitassanngortinneqarlutik; , suliani 0-ini innuttaasoq naammagittaalliuuteqarnermini ilalernerqarsimavoq, sulianilu 0-ini DSA ingerlatsiviup aalajangiineranik atorunnaarsitsisimavoq imaluunniit allanngortitsisimavoq.

Isumaginninnikkut Naammagittaalliuuteqartarfimmit aaliangikkanut tunngasut ineriartortinneqarnerat – Kommuneqarfik Sermersooq

Takuuk figur-imi piffissap ingerlanerani Isumaginninnikkut Naammagittaalliuuteqartarfimmi aaliangikkat ineriartortnersimanerat. Piffissap ingerlanerata ilaani aaliangikkat taama amerlatigisimannigillat. Assersuutigalugu 4. kvartal 2020-imi aalajangiiffisat arfineq marluinnaasimapput 1. kvartali 2022-imi aalajangiiffisat qaffariarsimanerat takuneqarsinnaalluni. Tamatuma naammaagittaalliuutit amerlanerulersimanerat takutinngilaa kisiannili naammagittaalliuuteqartarfiup sulianut uninngasuutigisanut sukumiisumik iliuuseqarsimaneranik tamanna tunngaveqarluni. Tamanna maannakkut angusimavaat taamaalilluta takusinnaalerparput aaliangiiffisassat appariarsimanerat.

Aammattaaq maluginiaqqunarpoq kommunip aaliangiineranut isumaqataanerit amerlanerat. Isumaginninnikkut Naammagittaalliuuteqartarfiup aalajangiinerisa ineriartortnerat.





Aalajangiinerit nassuiaataat

Isumaginninnermut Naammagittaalliuuteqartarfiup Suliffeqarnermut Isumaginninnermullu Ingerlatsiviup aalajangiineranik atorunnaarsitsineranut allannguisimaneranulluunniit pissutaasinnaavoq, Suliffeqarnermut Isumaginninnermullu Ingerlatsiviup aalajangenera DSA-p kukkusutut atorsinnaangitsutulluunniit nalilerpagu, innuttaasoq naammagittaalliuutimini ilalernerqarsimangikkaluartoq. Assersuutitut taaneqarsinnaavoq, Suliffeqarnermut Isumaginninnermullu Ingerlatsivik siusinaartumik pensionisiaqalertussaangitsumut siusinaartumik pensionisiaqalersitsisimappat.

Sulianik utertitsineq isumaqarpoq, suliut Suliffeqarnermut Isumaginninnermullu Ingerlatsivimmut suliakkiissutigineqaaqqittut. Tassunga pissutaasinnaavoq, suliamut paasissutissat amigarsimasut, taamaalilluni Isumaginninnermi Naammagittaalliuuteqartarfik aalajangiisinaanani. Taamaattumik ingerlatsiviup suliut suliareqqissavaa, tamannalu aalajangiisimanerup assinganik kinguneqarsinnaavoq imaluunniit nutaamik aalajangiisoqarluni.

Utertitsinnermut pissutaasut amerlasoorsuusinnaapput. Assersuutigalugu innuttaasumit paasissutissat amigaataappata nutaanilluunniit paasissutissanik takkuttoqarsimappat. Imaassinnaavorluunniit kommune qinnuigineqartoq aalajangiineq annertunerusumik tunngavilersoqqullugu.

Utertitsineq tunngaviusumik pissuteqarpat, Suliffeqarnermut Isumaginninnermullu Ingerlatsivimmit malinnaavigineqassaaq utertitsineq sulianut assingusunut suleriaatsimik allanngortitsinissamut qanoq pissutissiitiginersoq.

Nalinginnaasumik Suliffeqarnermut Isumaginninnermullu Ingerlatsiviup DSA-mi aalajangikkat malinnaaffigisorujussuusarpai. Taamaattumik Suliffeqarnermut Isumaginninnermullu Ingerlatsivimmi DSA-mi aalajangikkat malinnaaffiginialugit ingerlatsivimmi sulisut pingaernerit aalajangersimasumik ataatsimiittarput.

DSA siornatigumut naleqqiullugu nutaamik suliareqqitassanngortitsilluni amerlanerusunik utertitsisarpoq. Suliut utertinneqartartut ikilisarneqarnissaat Suliffeqarnermut Isumaginninnermullu Ingerlatsiviup anguniarpaa, taamaaliornikkut suliut eqqortumik, paasinartumik tunngavilersorluakkamillu suliarineqarnissaat qulakkeerneruniarlugu.

Innuttaasut ataasiakkaat pisariaqartitaat inatsillu atuuttoq eqqarsaatigalugit aalajangiisarnerit eqqortuunissaat, Isumaginninnermut Suliffeqarnermullu Ingerlatsiviup sullissinerup pitsaassusaa qulakkeerniaruassavaa. Suliut naammassimasut kisitsisinnorlugit Suliffeqarnermut Isumaginninnermullu Ingerlatsivimmit kvartalikkaarlugit saqqummiunneqartalissapput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Isumaginnittoqarfiup aqutsisoqarfik aaqquissuusaaneralu pillugu Inatsisartut peqqussutaat nr. 11, 2. november 2001-imeersumi § 8, imm. 1 malillugu.

Ilanngussaq

Soqanngilaq.

IMMIKKOORTOQ 3: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Ilanngussat

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID: EMN-2022-09652

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2022-mi novembarimut decembarimullu tunngasuuvoq.

Nuuk

Nuummi suliffissaaleqineq qaffarialaarpoq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisigut pituttugaasut ataavartumik suliarineqartarput. Suliffissaaleqisunut, siusinaartumik soraarnerussutisiaqalernissamik qinnuteqaateqartunut siusinaartumillu pensionisialinnut ukiuunerani suliniutit assigiinngitsut, nalilersoqqinneqartussat aallartinneqareerput. Inuusuttunut 30-t ataallugit ujartuilluni ilitsersuisarneq aallartippoq, tamannalu pingaartumik suliffissaaleqisunut matchgruppe 2-miittunut amerlanerusunik periarfissiisinnaavoq. Matchgruppe 2-mi suliffissaaleqisunik qulaajaaneq piareersarneqarpoq.

Paamiut

Paamiuni suliffissaaleqineq aal akkaasuuvoq, Majoriami inatsit tunngavigalugu suliassat ataavartumik ingerlanneqartarput. Suliffissaaleqisunut, siusinaartumik soraarnerussutisiaqalernissamik qinnuteqaateqartunut siusinaartumillu pensionisialinnut ukiuunerani suliniutit assigiinngitsut, nalilersoqqinneqartussat aallartinneqareerput. Inuusuttunut 30-t ataallugit ujartuilluni ilitsersuisarneq aallartippoq, tamannalu pingaartumik suliffissaaleqisunut matchgruppe 2-miittunut amerlanerusunik periarfissiisinnaavoq. Matchgruppe 2-mi suliffissaaleqisunik qulaajaaneq piareersarneqarpoq.

Tasiilaq

Tasiilami suliffissaaleqineq qaffarialaarpoq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisigut pituttugaasut ataavartumik suliarineqartarput. Suliffissaaleqisunut, siusinaartumik soraarnerussutisiaqalernissamik qinnuteqaateqartunut siusinaartumillu pensionisialinnut ukiuunerani suliniutit assigiinngitsut, nalilersoqqinneqartussat aallartinneqareerput. Inuusuttunut 30-t ataallugit ujartuilluni ilitsersuisarneq aallartippoq, tamannalu pingaartumik suliffissaaleqisunut matchgruppe 2-miittunut amerlanerusunik periarfissiisinnaavoq. Matchgruppe 2-mi suliffissaaleqisunik qulaajaaneq piareersarneqarpoq.

Ittoqqortoormiit

Ittoqqortoormiini suliffissaaleqineq ataavartumik annikippoq. Majoriami suliassat tamarmik inatsisigut pituttugaasut ataavartumik suliarineqartarput.

Kommuneqarfik Sermersuumi suliffissaaleqisut nikerarnerat

Kommunimi suliffissaaleqisut katitigaanerat ukiuni kingullerni 2-3-ni ima appariartorsimanerat pillugu siunissami suliniutini suliffissaaleqisut matchgruppe 2-miittut aamma inuusuttunik 30-t ataallugit ukiulinnut ujartuilluni ilitsersuisarneq pingaartinneqarnerulissapput.

Ukiunut kingullernut 2-3-nut sanilliullugu suliffissaaleqisut suli ikiliartornissaat suliffissarsiuussisarfiimmit naatsorsuutigineqarpoq, tassa suliffissaaleqisut amerlassusii 2019-imi, 2020-mi aamma 2021-mi kisitsisinut sanilliullugit suli ikinnerummata. Ilanngussami takussutissiat 1 aamma 2 takukkit.

Piffissami tassani
innersuunneqarsimasut
nalunaarsorneqarnerat

Suliffeqarnermut
Isumaginninnermullu
Ingerlatsivimmit suliffissaaleqisut
amerlanerusut suliffittaarnissaannut
innersuunneqartarnissaat suli
sulissutigineqarpoq. Matumani
piffissami innersuunneqarsimasunut

Sumiiffik	2022-mi novembarimi innersuussat amerlassusiat	2022-mi decembarimi innersuussat amerlassusiat
Nuuk	13	13
Paamiut	7	8
Tasiilaq	4	0
Ittoqqortoormiit	0	0
Nunaqarfinni tamani	1	0

nalunaarsuinerit tulliuuttumi tabelimi takuneqarsinnaapput. Innersuussisarnermut tunngasut suli 2022-imi ukkatarineqarluarput, tamannalu 2023-mi suli ukkatarineqassaaq. Anguniagaavoq suliffissaaleqisut piginnaasaatigut ineriartortinneqarnerisa kingunerisaanik (pikkorissaanerit il. il iluaqutigalugit) suliffeqarfiillu suleqatiginerisigut suliffissaaleqisut amerlanerit kommunip illoqarfiini nunaqarfiinilu sulilersinnissaat, aammalu inuusuttut suliffissaaleqisut Majoriap neqeroorutaannik ingerlatsinissaannut innersuunneqartarnissaat.

Matchgruppiniit agguataarinerit naatsorsorneqarnerat

Suliffissaaleqisunut pingaartumik matchgruppe 2-miittunut suliniutit aallartinneqassapput ukiullu ingerlanerani nanginneqarlutik. Taamaaliortoqassaaq iliuusissanik pilersaarutiniq malitseqartitsinissaq pillugu aggersaanikkut kingornalu qulaajaavigineqartussatut innersuunneqassapput tulliuullugulu sulinermik misiliinissaat. Taamaaliornikkut suliffissaaleqisut tarnikkut timikkullu sulisinnaassusaat piviusumik takuneqarsinnaalissapput. Ilanngussami takussutissiaq 3 takuuk.

Avataaniit suliarortut naatsorsorneqarnerat

	November	December
Akuersissutit amerlassusiat	13	40
Allaffeqarfimmit akuersissutinut kisitsisaatit	1	14
Itigartitsissutit amerlassusiat	3	0
Sivitsuinerit amerlassusiat	5	13
Taamaatitsinerit amerlassusiat	0	0
Aalajangiinerit katillugit	22	67

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarnera

Majoriaq inuusuttunut 16-30 akornanni ukiulinnut ujartuilluni ilitsersuisarnermik suliaqartarpoq. Ujartuilluni ilitsersuinerni sullinniakkat inuusuttuupput suliffissaaleqisut, ilinniakkamik ingerlatsinngitsut kiisalu Majoriami suliffissaaleqisutut nalunaarsorneqarsimangitsut. Ujartuilluni

ilitersuisarnermik suliaqarneq kommunimi tamarmi nanginneqassaaq, taamaalilluni inuusuttut siornatigut Majoriamit attavigineqarsimasut 1 marsi 2023 nallertinnagu attavigineqaqqissapput. Tassunga atatillugu inuusuttunut suliffissaaleqisunut Majoriamik sulii attaveqarsimanngitsunik ujjartuilluni attaveqartarneq ataavartumik ingerlanneqassaaq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutinut kiisalu suliffeqanngikkallarnermi pisartakkanut aningaasartuutinut aningaasaqarnikkut sulisoqarnikkullu sunniuteqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Suliffeqarnermi innersuussisarneq il.il pillugit Inatsisartut inatsisaat nr 5, 8 juni 2014-imeersoq

Ilannussat

1. Suliffissaaleqisut kisitsisaannut takussutissiat

IMMIKKOORTOQ 4: Inuit innarluutillit pillugit Siunnersuisooqatigiit ataatsimiittarnerinik ataavartumik ilisimatitsinerit

Beslutning

Ilisimatitsissut tusaatissatut tiguneqarpoq.

Ilanngussat

Inuit innarluutillit pillugit Siunnersuisooqatigiit ataatsimiinneranni 17.11.2022 imaqarniliaq

Inuit innarluutillit pillugit Siunnersuisooqatigiit ataatsimiittarnerinik ataavartumik ilisimatitsinerit

Inuit innarluutillit pillugit Siunnersuisooqatigiit ataatsimiittarnerat ulloq 17. novembari 2022

Ilisimatitsissut

SagsID.: EMN-2022-09284

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi Inuit innarluutillit pillugit Siunnersuisooqatigiit ulloq 17. novembari 2022 ataatsimiipput.

Siunnersuisooqatigiit eqqartorpaat pingaartitaq sorleq 2023-mi suliainni pingaarnersiorneqassanersoq, tassanilu isumaqatigiillutik "sulinissamut ilinniagaqarnissamullu periarfissaq" toqqarpaat. Taassuma saniatigut ukiumut pilersaarut pilersaarusiortaat, qanoq pingaartitatit suliarissanerlugit.

Ukiumut pilersaarutit pilersaarusiortaqarneranni, Inuit innarluutillit pillugit Siunnersuisooqatigiit aalajangerput ukiumoortumik killiffissiorneqassallutik aamma Suliffeqarnermut Isumaginninnermullu Ataatsimiititaq immikkut ittumik sammisaqarluni ataatsimeeqatigissallugu. Immikkut ittumik sammisaqarluni ataatsimiinnerani Majoriaq pingaarnertut suliassaqaqfimmil "Sulinissamut ilinniagaqarnissamullu periarfissaqarneq" inunnut innarluutilinnut oqaloqatiginninnissamut aggersarneqarput.

Suliffeqarnermut Isumaginninnermullu Ataatsimiititaq Inuit innarluutillit pillugit Siunnersuisooqatigiinni ataatsimiittarnerit pillugit ataavartumik ilisimatinneqartarpoq, soorluttaaq Inuit innarluutillit pillugit Siunnersuisooqatigiinnit imaqaarniliat Kommuneqarfik Sermersuup nittartagaani tamanut saqqummersinneqartartut.

Ingerlatsivimmit aningaasatigut sulisoqarnikkullu naliliinerit

Soqaqqanngilaq.

Suliffeqaqfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat
- Inuit innarluutillit pillugit Siunnersuisooqatigiit suleriaasiat
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

1. Inuit innarluutillit pillugit Siunnersuisooqatigiit ataatsimiinneranni 17.11.2022 imaqaarniliaq.

IMMIKKOORTOQ 5: Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit

Beslutning

Ilisimatitsissut tusaatissatut tiguneqarpoq.

Ilanngussat

Utoqqaat pillugit Siunnersuisooqatigiit ulloq 17. novembari 2022-mi ataatsimiinnerannit imaqarniliaq

Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit

17. novembari 2022-mi ileqquusumik ataatsimiinneq pillugu

Ilisimatitsissut

SagsID.: EMN-2022-09269

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu
Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliap naammassiniakkap eqqartorneqarnera

Utoqqaat pillugit Siunnersuisooqatigiit novembarip ulluisa 17-ianni 2022-mi ileqquusumik
ataatsimiipput.

Utoqqaat pillugit Siunnersuisooqatigiit kommunimi ileqqoreqqusanut malittarisassat pillugit
tusarniaanermut akissut Sulisoqarnermut Isumaginninnermullu Ingerlatsiviup Naalakkersuisunit
ingerlateqqitaa eqqartorpaat. Utoqqarnut suliassaqarfimmi fagcheffi taamatuttaaq Nuummi
utoqqaat illuini sulisoqarneq pillugu killiffimmik paasissutissiivoq. Utoqqaat pillugit
Siunnersuisooqatigiit Sulisoqarnermut Isumaginninnermullu Ataatsimiititamik
ataatsimeeqateqarnissaannut oqaluuserisassat sularineqarput.

Suliffeqarnermut Isumaginninnermullu Ingerlatsivik Utoqqaat pillugit Siunnersuisooqatigiit sulinerat
pillugu Suliffeqarnermut Isumaginninnermullu Ataatsimiititamut ataavartumik
ilisimatitsissuteqartassaaq. Tamatuma saniatigut Utoqqaat pillugit Siunnersuisooqatigiit
ataatsimiinnerinit imaqarniliat Kommuneqarfik Sermersuup nittartagaatigut tamanut
saqqummiunneqartassapput.

Meeqqanut Ilaqutariinnullu Ingerlatsivimmit aningaasatigut aammalu isumalluutitsigut/ naliliineq

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavilersuutit, sinaakkusersuinermilu uppernarsaatit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusaq
- Utoqqaat pillugit Siunnersuisooqatigiit suleriaasissaat

Ilanngussat

1. Utoqqaat pillugit Siunnersuisooqatigiit ulloq 17. novembari 2022-mi ataatsimiinnerannit
imaqarniliaq.

IMMIKKOORTOQ 6: Piffissami 2022-mi kvartaalit sisamaanni pissaanermik atuisimaneq pillugu nalunaarutinik ilisimatitsissut

Beslutning

Ilisimatitsissut tusaatissatut tiguneqarpoq.

Piffissami 2022-mi kvartaalit sisamaanni pissaanermik atuisimaneq pillugu nalunaarutinik ilisimatitsissut

Ilisimatitsissut

SagsID: EMN-2022-09683

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamat inassuteqaatigaa

- ilisimatitsissut tusaatissatut tiguneqassasoq

Suliassamik saqqummiussineq

Ataatsimiititaaq ilisimatinneqartassaaq pissaanermik atuisimanerit pillugit nalunaarusianik, qaammatit pingasut qaangiunneri tamaasa. Ilisimatitsissummi paasissutissat nalunaaruteqarnermi immersukkat attuumassuteqartut ikiorsiullugit katersorneqarput.

Pissaanermik atuisimaneq takussutissaliorneqartarpoq, qulakkeerniarlugu pissaanermik atuisoqarsimanermit tunngasunik suliaqartoqartillugu innuttaasut sulisullu perorsaanermit tunngasunik suliatigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq.

Nalunaarutit qassiuneri

Utoqqarnut suliassaqaarfik

	Piffissami oktober-december 2022-mi kisitsisaatigineqartut
Nalunaarutigineqartut	
§ 32 - Aalajangerlugu tigummininneq aamma inimit allamukaassineq	4
§ 33 - Eqqiluutsuutitsinissamik aalajangiusimasaqarneq	20
§ 34 – Najugarisami tigummisaaneq	
§ 35 – Ujatsiutaasamik annoraaminermik atuineq	1

Utoqqarnut suliassaqaarfik puigortunngortunut ataqatigiissaarisunit pissaanermik atuisinnaanermit ilinniartinneqarnikuupput. Pissaanermik atuinermit nalunaarsuinermit suliarinninnermullu sanileralugit ilinniartitsisussanik inunnik pingaarutilinnik ilinniarsimasunik toqqaasoqarnikuuvoq. Pissaanermik atuinermit nalunaarusiat amerliartorneri pissaanermik, atuinerit amerlinerannik takussutissiaanatik pitsaanerusumilli nalunaarusiornerit pitsaanerusunit ilisimasaqarnerulerillu peqquteqartut Suliffeqarnermut Isumaginninnermullu Ingerlatsivimmit nalilerneqarpoq.

Inunnut innarluutilinnut aamma Tarnimikkut nappaatilinnut immikkoortortaqaarfimmut piffissami X nalunaarutiginnittoqarpoq. Taakku imatut agguataagaapput:

Inunnut innarluutilinnut aamma Tarnimikkut
nappaatilinnut Immikkoortortaqaarfik

Nalunaarutigineqartut	Piffissami oktober-december 2022-mi amerlassutsit
§ 32 - Aalajangerlugu tigumminneq aamma inimut allamukaassineq	X
§ 33 - Eqqiluutsuutitsinissamik aalajangiusimasaqarneq	0
§ 34 – Najugarisami tigummisaaneq	0
§ 35 – Ujatsiutaasamik annoraaminermik atuineq	0

Inunnut innarluutilinnut aamma Tarnimikkut nappaatilinnut immikkoortorta qarfirmi innuttaasoq paaqqutarineqarnissaminut annertuumik pisariaqartitsisoq pineqarpoq, piginnaasamigut annertuumik appariaateqarsimasoq, tamatumunngalu qisuariaatilik.

Nalunaarutiginninnernik malinnaaffiginninneq

Nalunaaruteqarnerit sulisumit immersorneqassapput, immikkoortumi aqutsisoq imaluunniit immikkoortoqarfimmi aqutsisoq suleqatigineqarsinnaavoq. Nalunaaruteqarnernut ataasiakkaanut tunngatillugu, malitseqartitsisoqassanersoq aamma pitsaaliuutaasinnaasumik suliniuteqartoqassanersoq isummertoqartassaaq, nalunaaruteqarnermut pissutaasut qanorpiaq ittuunera tunngavigalugu.

Najugaqatigiiffinni aqutsisut, taakkunani immikkoortoqarfimmi aqutsisut kiisalu fagcheffi tamarmik nalunaarutiniq suliaqartussaapput, ataasiakkaanullu tunngatillugu nalunaarutiginnittoqarnerani suliniutinut aallartinneqarsimasunut tamarmik immikkut oqaaseqaateqartarput. Taassuma saniatigut pitsaaliuineri suliniutit oqaluuserineqartarput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq

Inatsisitigut tunngavissaq allakkallu tunngaviusumik uppernarsaatillit

- Isumaginninnermik suliaqarfimmi pissaanermik atuineq pillugu Inatsisartut inatsisaat nr 1, 21 november 2013-imeersoq

Ilanngussat

Soqanngilaq.

IMMIKKOORTOQ 7: Oqartussaaffeqarfiup angusai sullissinermilu anguniagai - 4 kvartali 2022

Beslutning

Ilisimatitsissut tusaatissatut tiguneqarpoq.

Oqartussaaffeqarfiup angusai sullissinermilu anguniagai - 4 kvartali 2022

Ilisimatitsissut

SagsID.: EMN-2022-09690

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Oqartussaqaarfimmi angusassatut kiffartuussinermilu anguniakkat pillugit ilisimatitsissut tusaatissatut tiguneqassasoq

Suliassamik saqqummiussineq

Oqartussaqaarfimmi ulluinnarni sulinermi innuttaasut pitsaanerpaamik sullinneqarnissaat ukkatarineqarpoq. Innuttaasup qitiutinneqarnissaa annertuumik pingaartinneqarpoq. Oqartussaqaarfimmit matchgruppe 3-miittut iliuusissamik pilersaarusiorneqarnissaata pitsangorsaaviginissaa ilaatigut qitiutinneqarpoq, tassaniimmata innuttaasut timikkut inooqataanikkulluunniit ajornartorsiuteqarneq pissutigalugu sulileriaannaangitsut.

Pisortanit ikiorsiissuteqartitsinerup siunertaraa, innuttaasut, Kalaallit Nunaanniittut, allatigut periarfissaqanngikkaangata allatigullu ikiorneqarnissamut periarfissaarukkaangata aningasaqarnikkut isumannaatsumik inissisimanissaat. Tassa imaappoq, pisortatigut ikiorsiissutit tunniunneqartinnagit kommunip aningaasaqarnikkut tapiissutinik allatigut periarfissaasinnaasut misissoqqaarnissaat pisussaaffigaa.

Pisortatigut ikiorsiissutinut peqqussummi iliuusissatut pilersaarutit innuttaasumut neqeroorutaapput. Tassa imaappoq, innuttaasumut iliuusissatut pilersaaruteqarnissaa piunasaqaataaangilaq, innuttaasorli iliuusissamik pilersaarusiornissamut neqeroorfigineqassaaq. Suliffeqarnermut Isumaginninnermullu Ingerlatsivimmit innuttaasut anguniagaqarluarluni sullinnissaat pingaaruteqartoq misilittagarineqarpoq, tassungalugu siunertamut iliuusissatut pilersaarutit sakuupput pingaaruteqarluinnartut. Tamanna pillugu kikkut tamarmik sapinngisamik iliuusissatut pilersaarusiunnissaat sulissutigineqarpoq.

Qaammatit pingasukkuutaarlugit pisortatigut ikiorsiissutinik pisartut eqqortumik naleqquttumillu tunineqartarnerat qulakkeerniarlugu malitseqartinneqartarput.

Oqartussaqaarfimmi isumaginninnermut siunnersortit sullissisullu tamakkerlutik innuttaasunik sullissinerup sapinngisamik tamakkiisuunissaanik qitiutitsillutik sulipput. Tamanna aallaavigalugu sullissinissamik anguniakkat ukuupput:

- Pitsaasumik, sukumiisumik piffissaatillugulu sullissinissaq qulakkeerneqassasoq
- Pitsaasumik innuttaasunik sullissineq qulakkeerneqassasoq
- Sillimaffiginngisamik innuttaasooq nalaataqartillugu isumaginninnermut siunnersortimik/ sullissisumik erngertumik oqaloqateqarsinnaanera pisinnaasarpoq

- Sillimaffigisassaangitsunik saaffiginnilluni piffissamik inniminniinermit oqaloqateqarnissamut utaqqineq ullunik 14-inik sivilunerussanngilaq
- Ulluni suliffiusuni nal. 8.30-10 sisamanngornikkullu nal. 16-17 oqarasuaatikkut saaffiginnittoqarsinnaavoq
- Innuttaasut utoqqaat, pitsorluttut innarluutillilluunniit angerlarsimaffiitut isumaginninnermut siunnersortimit orninneqarsinnaapput.
- Isumaginninnermik Sullissivimmi isumaginninnermut siunnersorti pinartoqartillugu pigaartoq saaffiginninnermik tigooraasuusarpoq
- Qinnuteqaatit suliarineqarnissaanut utaqqineq ullunik 10-nik sivilunerussanngilaq
- Akiligassat suulluunniit piffissaatillugu akilerneqartut 95 procentimiinnissaat
- Oqaloqatiginninnerit 90 procentiisa ullut 10-t iluini pisarnissaat
- Innuttaasut tamarmik matchgruppe 3-miittut iliuusissatut pilersaarusionerfigineqassapput
- Siusinaartumik pensionisiaqalernissamut qinnuteqaatit suliarineqartarnerisa sivikinnerulersinnissaat
- Ineqarnermut tapiissutinik qinnuteqaatit suliarineqartarneri ullut tallimat iluini pisassasoq
- Isumaginninnermik Sullissivik ingerlatsivimmut tamarmut aallaaveqartumik sullissiviuvoq Saaffikkuminartuupput inussiarnersuullutillu. Kommunip ammanerata nalaani ammasarpoq
- Pisortanit ikiorsiissutinik qinnuteqaatit suliarineqartarneri tamarmik ullut qulit iluini pisarput

Pisortanit ikiorsiissutisisut amerlassusiat	889
Isumaginninnermik Sullissivimmut saaffiginninnerit amerlassusiat	3.861
Piffissaq eqqorlugu akiliinerit procentinngorlugu naatsorsorneqarneri	90%

Pisortanit ikiorsiissutinik pisartagallit amerlassusiat ulloq 2 januari 2022 AX-imeersoq.

Aaqqiissutissatut siunnersuut – suliaticut naliliineq

Suliffeqarnermut Isumaginninnermullu Ingerlatsivimmi Oqartussa qarfiup kissaatigaa, siunertalimmik anguniakkat amerlassusiat pillugu ammanerunissaq, tassungalu ilanngullugu aqutsisunut ilisimatitsisarnissaq kvartalikkuaartumik pisartussa q siunertalimmik anguniakkat kisitsinngorlugit takussutissaliortoqartassasoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

Soqanngilaq.

Ilanngussat

Soqanngilaq.

IMMIKKOORTOQ 8: Oqartussa qarfimmi isumaginnitto qarfimmi inissianut innersuussisarneq pillugu ilisimatitsineq 2022

Beslutning

Ilisimatitsissut tusaatissatut tiguneqarpoq.



Oqartussaqaarfimmi isumaginnittoqarfimmi inissianut innersuussisarneq pillugu ilisimatitsineq 2022

Ilisimatitsissut

SagsID.: EMN-2022-00595

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivik Suliffeqarnermut Isumaginninnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suliffeqarnermut Isumaginninnermullu Ingerlatsiviup isumaginnittoqarfimmit inissiat pillugit Oqartussaqaarfimmut ilisimatitsissut saqqummiuppaa. Maannakkut utaqqisut kiisalu 2022-mi inissiat tunniunneqartut amerlassusaat ilisimatitsissutip takutippaa.

Kommuneqarfik Sermersuumi innuttaasut pisariaqartitsisut piumasaqaatit aallaavigalugit initaarsinnaatitaasutut isumaginninnikkut inissianik tunineqarsinnaapput. Inissamik innersuussisartut Meeqqanut Ilaqutariinnullu Ingerlatsivimmiit Suliffeqarnermut Isumaginninnermullu Ingerlatsivimmeersunik ilaasortaqaqtut innersuussisarnermi nalilersuutit malillugit nalilersuisarput tunniussisarlutillu (Innersuussisartoqatigiinni malittarisassat 2018-imeersut takukkit).

Inissiaatileqatigiiffiit Ini aamma Iserit isumaginninnikkut inissamat tunniussassamik inissaateqaleraangamik saaffiginnittarput. Tassanngaanniit innuttaasut inissamik utaqqisut allattorsimaffianniittut tunineqartarput. Kommunip inissiat atorineqanngitsut 25 %-iisa amerlassusaat isumaginninnikkut inissiatut neqeroorutigisussanngorlugit Iserit isumaqatigiissuteqarfigaa.

Inissamik innersuussisartut isumagissavaat:

- inissianik agguatassanut qinnuteqaatit akuerisat tullerriaakkat pillugit Innersusseqatigiittartut utaqqisut allattorsimaffiannik suliaqarlutillu nutarterineq
- Innersusseqatigiittartut utaqqisunut allattorsimaffiutaanni qinnuteqartut tullerriaarlugit ataavartumik isummerfigininneq

Ilisimatitsissutitut massakkut kisitsisit imaapput:

Illoqarfik	Utaqqisut amerlassusaat
Nuuk	85
Paamiut	5
Tasiilaq	10
Ittoqqortoormiit	-

2022-mi inissiat tunniunneqartut amerlassusaat:

Illoqarfik	Iserit		Ini		Total
	MI	SI	Mi	SI	
Nuuk	9	8	0	0	17
Paamiut	3	0	2	1	6



Tasiilaq	3	2	0	0	5
Ittoqqortoormiit	6	0	0	0	6
Total	21	10	2	1	34

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaaitallit

- Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

Ilanngussaq

1. Innersuussisartoqatigiinni malittarisassat 2018-imeersut

IMMIKKOORTOQ 9: Utoqqarnut, biiliutsittarnissamut innersuunneqarsimasunut sammisassaqartitsiviliaassinermi akeqanngitsumik biiliussineq

Beslutning

Inassuteqaat akuersissutigineqarpoq.

Ilanngussat

Siulittaasup aalajangiinera

Utoqqarnut, biiliutsittarnissamut innersuunneqarsimasunut sammisassaqaartitsiviliaassinermi akeqanngitsumik biiliussineq

Ilisimatitsissut

SagID.: EMN-2022-09608

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Isumaginninnermut Suliffeqarnermullu Ingerlatsiviup Isumaginninnermut Suliffeqarnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Ulloq 22/12-2022, Nuummi innuttaasut 67-inik ukioqalereersimasut

sammisassaqaartitsiviliaanneqartarnissaminnut innersuunneqarsimasut 1/1-2023-mi

akeqanngitsumik biiliutsittalernissaannik siunnersuut, siulittaasup akueralugu aalajangiivoq.

Kommuneqarfik Sermersuumi 2023-mi Suliat pitsaassusissaata allaaserineqarneri naapertorlugit, pensionisiallit, pitsorluttut, rollatorinik atuisut imaluunniit paasinnittaatsimikkut annikillisimasut sammisassaqaartitsiviliaanneqarnissaminnut pisinnaatitaaffeqarput. Innuttaasut tamakkiisumik ataavartumik piginnaanikillisimasut, akeqanngitsumik biiliutsissapput, taavalu innuttaasut piginnaasakilligallarsimasut akigititat naapertorlugit akiliuteqartassallutik.

Nuummi utoqqaat sammisassaqaartitsiviliaanneqartarnissamik innersuunneqarsimasut amerlanersaat, tamakkiisumik ataavartumik piginnaanikillisimasuupput, taamaasillutillu sammisassaqaartitsivilianissaminnut akeqanngitsumik biiliutsinnaallutik.

Utoqqaat sammisassaqaartitsiviliaanneqarnissaminnik innersuunneqarsimasut ikinnerusut, utaqqiisaasumik piginnaanikillisimasuupput. Taakkua piginnaanikilligallarnerat tamakkiisuunngimmat, taamaasillutik akeqanngitsumik biiliutsissinnaanngillat, taamaattumillu innarluutilinnut naatsorsuussamik biilinet ilaanissaminnut akigititat naapertorlugit akiliuteqartussaallutik, Kommuneqarfik Sermersuumi akigititat naapertorlugit. 2023-mi biiliutsitarneq 10 koruuneqarpoq.

Utoqqarnik sullissivimmi tulleriissaarisartut nalilersuisarput, innuttaasut ataasiakkaat innarluutilinnut naleqqussakkamut akeqanngitsumik biiliutsissinnaanersut. Tamanna tulleriissaarisartuni allaffissornikkut akiliisitsiniarnermilu suliassaqaarnartarpoq. Taamaattumik utoqqaat innarluutilinnut naleqqussakkani biilinet taakkununga ilaasut ilaat akiliisussaaneq ajorput, ataavartumik piginnaanikillisuunnginnerat pissutigalugu, ilaalli akiliuteqartariaqartarput, ataavartumik piginnanikillisimannginnertik pissutigalugu.

Allannguuteqartitsinikkut sullissineq pitsanngoriaateqassaaq, allaffissornikkut oqilisaataassalluni, peqatigitillugulu utoqqaat tamarmik bussillu unittarfianut qaninnermut ornigussinnaanngitsut, sammisassaqaartitsiviliaanneqarnissaminnut innersuunneqarsimasut, akeqanngitsumik biiliunneqartalissammata.

Ataatsimut isigalugu siunnersuut Kommuneqarfik Sermersuup utoqqarnik sullissineranik pitsanngorsaataassaaq, 2023-mut missingersuutitut isumaqatigiissut naapertorlugu Nuup Bussiisa utoqqalinersialinnik akeqanngitsumik bussiuussisalernissaa assigalugu.

Akeqarunnaarsitsinerup kingunerissavaa, innuttaasut utoqqaat, bussit unittarfiannut ornigussinnaangitsut, kommunip neqeroorutaanut sanilliullugu assigiimmik pineqalernissaat.

Ingerlariaqqinnissaq

Suliffeqarnermut Isumaginninnermullu Ingerlatsiviup akit allattorsimaffiat pitsaassutsimullu assigiissaakkat naleqqussarpai, akigitinneqartoq ilanngunniassammat.

Ingerlatsivimmit aningaasatigut sulisoqarnikkullu naliliinerit

Suliffeqarnermut Isumaginninnermullu Ingerlatsiviup naatsorsuutigaa, taamatut sullissineq isertitassaraluanut ukiumut annerpaamik 50.000 koruuninik naleqassasoq. Tassunga aningaasartuutissaq 2023-mut missingersuutitigut isumaqatigiissummi utoqqalinersialinnik akeqanngitsumik bussiuussisalernissamut aningaasaliissutiniit akilerneqassaaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq
- Inuit innarluutillit tapersersorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Kommuneqarfik Sermersuumi Suliart pitsaassusissaata allaaserineqarneri: Sammisassatut neqeroorummut biiliussisarneq
- Kommuneqarfik Sermersuumi 2022-mi akigititai

Ilanngussat

1. Siulittaasup aalajangiinera

IMMIKKOORTOQ 10: Inuit innarluutillit pillugit immikkoortumut pilersaarutip killiffia (2022)

Beslutning

Inassuteqaat akuersissutigineqarpoq.

Ilanngussat

Inuit innarluutillit pillugit immikkoortumut pilersaarummi suliniutit killiffii 2022

Inuit innarluutillit pillugit immikkoortumut pilersaarutip immikkoortuata 3-at



Inuit innarluutillit pillugit immikkoortumut pilersaarutip killiffia (2022)

Ilisimatitsissut

SagsID.: EMN-2022-08321

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- inuit innarluutillit pillugit immikkoortumut pilersaarutip killiffia tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Inuit innarluutillit pillugit immikkoortumut pilersaarummi suliniuteqarfinni suliniutit sukumiisut nassuiaatigineqarneri ukiut tamaasa killiffissiorneqartarput. Inuit innarluutillit pillugit immikkoortumut pilersaarut pillugu ukiumoortumik ilisimatitsissuteqarnikkut inuit innarluutillit pillugit politikkimi anguniakkat immikkut erseqqissaatigineqarsimasut anguniarneqarnerisa sulissutigineqarnerat qulakkeerneqartarpoq.

Inuit innarluutillit pillugit immikkoortumut pilersaarut 2016-imi naammassineqarpoq inuillu innarluutillit pillugit suliassaqarfimmi suliniutinut tamanut tunaartalersuilluni. Tassani politikkikkut angusaqarluarusussuseqarfiit qanoq piviusunngortinneqartartut suliniuteqarnikkullu atuutilersinneqartartut nassuiaatigineqarput. Taamaalilluni immikkoortumut pilersaarut kommunimi inuit innarluutillit pillugit suliassaqarfimmi, iliuusissanut nutaanut ataavartumik tulluarsagassanik pilersaarusiornermut aqutsinermullu atugassiaavoq.

Suliffeqarnermut Isumaginninnermullu Ingerlatsiviup ingerlatsiviit allat suleqatigalugit killiffimmik nalunaarsuineq ataqatigiissarlugulu suliarivaa.

Inuit innarluutillit pillugit immikkoortumut pilersaarummi suliniuteqarfiit qulit iluini sukumiisumik suliniutit killiffissiorneqarneri ilanngussaa 1-imi takuneqarsinnaapput. Killiffimmi suliniutit ataasiakkaat agguataarneqarput ukunani *ingerlatsineq* aamma *ineriartortitsineq*. Tulliani killiffimmik nalunaarusiornermi suliniutit killiffissiornerini taamaallaat una pineqassaaq *ineriartortitsineq*. Ineriartortitsineri suliniutit ukkatarineqartut qulakkeerniarlugit aamma ukiut arlallit matuma siorna ingerlatsineriut ingerlateqqinneqarsimasut suliniutit nalunaarusiami tammannginnissaat qulakkeerniarlugit nalunaarusiortariaaseq Suliffeqarnermut Isumaginninnermullu Ingerlatsivimmit allannngortinneqarpoq.

Tulliuttumi 2022-mi suliniutit iliuutsillu ataasiakkaat eqikkarneqarput.

Innuttaasunut innarluutilinnut sammisassaqaartitsineq

- Innuttaasunut qanigisaasunullu sammisassaqaartitsinerit aaqqissuussallu amerliartuaartinneqarnissaat 2022-mi ukkatarineqarput. Tamanna aamma 2023-mi pingaartinneqartut ukkatarineqassaaq.
- 2022-mi innuttaasut 40-t OCN-imik ingerlatsinermik naammassinnipput, taakkunani innuttaasut 33-t Nuummeersut arfineq-marlullu Paamiuneersut. OCN-i pillugu sulineq meeqqat atuarianni immikkut atuaitani aamma Majoriami maannamiit atuutilersinneqassaaq.



- 2022-mi inuit innarluutillit ukiumoortumik sap ak sammisassaqtartinneqarnerat oktobarip qaammataani sap ak pingasunut allanngortinneqarpoq. Inuit innarluutillit sap ak sammisassaqtartinneqarnerat iluatsilluarpoq taakkunanilu qanigisaasut innuttaasullu assigiinngitsunik sammisassaqtartinneqarput, ass nereqatigiinneq, bingo, katersugaasivimmut pulaarneq, naqittaaqatigiinneq assigisaalu.
- Nuummi sap ak aalajangersimasumik suleqatigiit pillorissaasut peqatigalugit eqaarsaartitsisoqarlunilu sammisassaqtartitsisoqartarpoq, taakkunanilu peqataasut qulit missaanniittarput. Aammattaaq innuttaasut 4-6-it missaanniittut ataasiakkaarlugit eqaarsaartinneqartarput.

Tikikkuminassuseq aamma innuttaasunut paasititsiniaaneq

- Katuami issiavinnik kaassuartakkanik atuisunut naleqquttumik isaarissamik pilersitsinissaq pillugu kommunimit Namminersortutik Oqartussat suleqatigineqarput. Isariaq 2022-mi naammassineqassaaq isaarissallu aappaa 2023-mi naammassineqassalluni.
- Tasiilami biiliutsittarnermi pissutsit pitsaanerunissaat kiisalu innuttaasut ataatsimut biiliunneqarsinnaanissaannut periarfissat amigaatigineqarput, assersuutigalugu illoqarfiup timersortarfiani sungiusartarfik, biiliutsinnermi pissutsit angallanermullu periarfissat pitsaannginneri pissutigalugit atornerqarpiarneq ajorpoq.
- Suleqatigiit pillorissaasut angalasartut 2022-mi marloriarlutik Tasiillamut nunaqarfiinullu angalapput. Aammattaaq Arsummiillutillu Qeqertarsuatsiaaniipput.
- 2022-p aallartinnerani qanigisat peqatigalugit najukkani immikkoortuni aaqqissuussinerit arlallit ingerlanneqarput.

Suliffimmi avatangiisit aamma sulisunik ineriartortitsineq

- Meeqqat innarluutillit pillugit suliassaqarfimmi sullissisut Skivemi autisme pillugu ataatsimeersuarnermi ukiumoortumik ingerlanneqartartoq 2022-mi peqataaffigaat.
- Inunnut innarluutilinnut aamma Tarnimikkut nappaatilinnut immikkoortortaqaqarfimmi sulisut assigiinngitsunut pikkorissartinneqarput, ilaatigut aaqqiagiinnginnermut iliuutsinut, suliffiup iluani nakorsaatinik isumaginninnermut aamma timikkut piginnaasakillimasat kinguaassiuutinut tunngasunik pikkorissartinneqarlutik. Aammattaaq sulisut qulingiluat ilinniarsimannngitsut tapersersortitit ilinniagaqarlutik aallartipput.
- Inunnut innarluutilinnut aamma Tarnimikkut nappaatilinnut immikkoortortaqaqarfimmi aqutsisut inuttut aqutsineq aamma ataatsimut aqutsineq pillugit marloriarlutik 2022-mi pikkorissartinneqarput.
- Immikkut atuartitsineri ilinniartitsut aamma Majoriami siunnersortit tamarmik 2022-mi OCN-imut aqutissiuusutut suliffiullu iluani ataqatigiissaarisutut ilinniakkaminnik naammassinnipput.
- Siunissami meeqqat pillugit suliassaqarfimmi ikorfartortinut ataqatigiissaarisup ataani ikorfartuisoqatigiinnik aamma pilersitsisoqassaaq, ikorfartortit taamaalillutik napparsimanermut sulinngiffeqarnermullu atatillugu paarlakaattarsinnaaniassammata.

Inunnut innarluutillit pillugit suliassaqarfik 2023-mi siunissamilu

Inuit innarluutillit pillugit immikkoortumut pilersaarutip killiffia ataatsimiititamut tulliani 2023-mi ukiakkut saqqummiunneqassaaq.

Inuit innarluutillit tapersersorneqarnissaannut Inatsisartut inatsisaanni nr 13, 12 juni 2019-imeersoq naapertorlugi kommunimi inuit innarluutillit pillugit politikki 2017-2027 ukiut sisamakkaarlugit nutarterneqartassaaq. Inuit innarluutillit pillugit politikki taamaalilluni 2023-mi nutarterneqassaaq. Tamatumunnga tunngatillugu politikkip aamma immikkoortumut pilersaarutip akornanni ataqatigiittoqarnissaa qulakkeerniarlugi inuit innarluutillit pillugit immikkoortumut pilersaarut nutaaq ingerlatsivimmit saqqummiussassaaq suliarineqassaaq.



Kommunalbestyrelsimi 29 novembari 2022-mi aalajangiunneqartoq innersuussutigalugu inuit innarluutillit pillugit suliasaqarfimmi immikkoortortaarfik ataqatigiissarisooq pilersinneqassasoq suliniutigalugu 2023-mi Suliffeqarnermut Isumaginninnermullu Ingerlatsivimmit aallartinneqassaaq.

Ingerlatsivimmit aningaasatigut sulisoqarnikkullu naliliinerit

Inuit innarluutillit pillugit immikkoortumut pilersaarutip killiffia pillugu ilisimatitsissut aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- Inuit innarluutillit pillugit politikki
- Innarluutillit pillugit Immikkoortumut Pilersaarut

Ilanngussat

1. Inuit innarluutillit pillugit immikkoortumut pilersaarummi suliniutit killiffii 2022
2. Inuit innarluutillit pillugit immikkoortumut pilersaarutip immikkoortuata 3-at

IMMIKKOORTOQ 11: Suliffeqarnermut immikkoortumut pilersaarummi immikkoortunik pingaarnersiuineq

Beslutning

Ataatsimiititaliamit immikkoortunik pingaarnersiorlugit aaliangerneqarput:

1. suliffeqarfiit inissaqartitsisut

- innuttaasut immikkut unammilligassallit pisariaqartitsisullu amerlanerusunik suliffinnik periarfissaqartinneqassasut aamma pilersinneqarlutillu ersarissuutinneqassasut
- - suliffeqarfinni innuttaasut tamarmik nukissaqarnerinik aamma tapersorsorneqarnissaminnik pisariaqartitsinerinik paasinninnerulertoqassasoq

2. piginnaanngorsaaqqinneq piginnaasanillu ineriartortitsineq

- innuttaasut imatut piginnaanngorsarneqassasut, sulisinnaasut piginnaasaat suliffeqarfiit pisariaqartitaannut tulluarsarneqarlutik
- sulisut piginnaasaannik ingerlaavartumik piginnaanngorsaa-nermik ineriartortitsineq suliffeqarfinni ilaatinneqassasoq

3. sulisartut avataaneersut

- atorfiit inuttaqanngitsut sulisunik ilinniarsimasunik inuttalernerneqassasut, najugaqariinngippata avataaneersunik
- aaqqissuussinernik pilersitsisoqassasoq najugaqartut ineriartortinneqarfignissaannaannik, avataaniillu piginnaasalinnit pikkorissarneqarlutik

4. inuusuttut suliffissaaleqisut

- ilinniagaqarnerup naleqassusianik aamma ilinniarfissarpasuit suliffissarpasuillu pillugit oqaasertalersuineq
- inuusuttut ilinniagaqalernissaannik ilinniakkallu naammassillugu ingerlannissaanik ilitsersuineq kajumissaarinerlu

Ilanngussat

Suliffeqarnermut politikki 2023-2033

Suliffeqarnermut immikkoortumut pilersaarummi immikkoortunik pingaarnersiuiineq

Aalajangiiffigisassaq

SagsID.: EMN-2022-09413

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- suliffeqarnermut immikkoortumut pilersaarummut immikkoortunik pingaarnersiuiissasoq

Suliassamik saqqummiussineq

Kommunalbestyrelsimit Suliffeqarnermut politikki 2023-2033 2022-mi oktobarip ulluisa sisamaanni akuersissutigineqarpoq.

Suliffeqarnermut politikki immikkoortut pingaartinneqartut tulliuuttumi ima pingaarnersiorneqarput: Immikkoortuni pingaarnertut pingaarnertut anguniagaqarpoq kommunimit sulissutigineqartussat.

- piginnaangorsaaqqinneq piginnaasanillu ineriartortitsineq
- suliffeqarfiit inissaqartitsisut
- inuusuttut suliffissaaleqisut
- sulisartut avataaneersut

Suliffeqarnermut Isumaginninnermullu Ingerlatsivimmit Suliffeqarnermut politikki tunngavigalugu qanoq politikki anguniagassat takorluukkallu sulinermi piviusunngortinneqarsinnaanerani pilersaarusiortoqassaaq. Immikkoortumut pilersaarummi ukiuni sisamani tulliuuttuni ingerlatsivik suliffeqarnermut suliniutinik qanoq aaqqissuussissasoq pingaarnersiuiissasorlu politikki kissaatigisat ersarissarneqassapput.

Immikkoortumut pilersaarut ukiuni sisamani atuutissaaq, tamatuma kingorna nutaamik suliaqartoqassaaq. Suliffeqarnermut Isumaginninnermullu Ingerlatsivimmit tamanna iluaqtaassasoq nalilerneqarpoq, ukiunimi marlussunni ineriartortitsinermit suliniutit amerlanerit atuutilersinniarneqassapput, suliniutaasussallu annertuut taamaallaat ataasiakkaarlugit atuutilersinniarneqarsinnaapput. Tamatuma kingunerisaanik immikkoortumut pilersaarut ilaatigut eqeersimaartumik aqutsinermi atorneqarsinnaassaaq suliffeqarnermullu tunngasuni suliniutinik ineriartortitsisunik pingaartitsinerunissaq qulakkeerneqarluni.

Taamaattumik Suliffeqarnermut Isumaginninnermullu Ingerlatsivimmit ataatsimiititamit suliffeqarnermut politikki immikkoortuni pingaartinneqartuni immikkoortut/iliuseqarfigineqartussat 2-3-t, ukiuni tullerni sisamani immikkoortumut pilersaarummi ilaatinneqartussat, toqqarneqassasut inassuteqaatigineqarpoq.

Tamatuma kingorna Suliffeqarnermut Ingerlatsivimmit 2023-mi upernaami/aasaanerani suliffeqarnermut immikkoortumut pilersaarut naammassineqassaaq. Immikkoortumut pilersaarut suliarineqarepat aqutsisunut suliaqartunullu attuumassuteqartunut allanut workshoppertitsissaaq, taakku immikkoortumut pilersaarummik sukumiisumik ilisimasaqalernissaq anguniagaavoq kiisalu immikkoortumi najoqqutassat iluini suliniutit atuutilersinneqarnissaat qulakkeerneqarluni.



Ingerlatsivimmit aningaasatigut sulisoqarnikkullu naliliinerit
Aningaasatigut sulisoqarnikkullu kinguneqassanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit
○ Suliffeqarnermut politikki 2023-2033

Ilanngussat

1. Suliffeqarnermut politikki 2023-2033

IMMIKKOORTOQ .: Taasariaqartut allat

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:18